



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj _____ godine, primilo je k znanju

Informaciju o realizaciji projekta sanacije, restauracije i kolorističke obnove fasada za 2020. godinu

PREDSJEDAVAJUĆI GRADSKOG VIJEĆA

Jasmin Ademović





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

INFORMACIJA
O REALIZACIJI PROJEKTA SANACIJE, RESTAURACIJE I
KOLORISTIČKE OBNOVE FASADA ZA 2020. GODINU

Predlagač: Gradonačelnica

Obrađivač: Služba za urbano planiranje,
investicije, stambene i komunalne poslove

Sarajevo, juli 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



INFORMACIJA O REALIZACIJI

PROJEKTA SANACIJE, RESTAURACIJE I KOLORISTIČKE OBNOVE FASADA ZA 2020. GODINU

REALIZACIJA PROJEKTA

U 2020. godini nastavljeno je sa realizacijom iznad pomenutog projekta u obimu u kojem je bilo moguće obzirom na epidemiološku situaciju i građevinsku sezonu. U nastavku je dat sažetak aktivnosti:

- *Realizacija sanacije i restauracije fasade stambeno-poslovne zgrade u ulici Štrosmajerova br. 1 u Sarajevu.*

Za potrebe izvođenja radova sanacije i restauracije fasade objekta u Štrosmajerovoj ulici br. 1 u Sarajevu pristupilo se: noveliranju projektne dokumentacije, koja je izrađena od strane Kantonalnog zavoda za zaštitu kulturno-historijskog i prirodnog naslijeđa Sarajevo. Za ovu potrebu pribavljene su sve potrebne saglasnosti. Sklopljen je Ugovor za izvođenje radova sa pravnim licem „NEIMARI“ d.o.o. Sarajevo u skladu sa provedenom procedurom Javne nabavke. Izvođenje radova na sanaciji fasade trebalo je početi sredinom septembra 2019. godine. Međutim, Općina Stari Grad je u tom periodu počela sa realizacijom projekta na rekonstrukciji šetnice u Štrosmajerovoj ulici pa su radovi na sanaciji predmetne fasade prolongirani za proljeće 2020. godine. U proljeće 2020. godine, sticajem nepredviđenih okolnosti i epidemioloških uslova (COVID-19), radovi su odgođeni do oktobra mjeseca kada je Izvođač dobio dozvolu za zauzimanje javne površine i kada su konačno otpočeli radovi na izvođenju sanacije fasade. U martu 2020. godine sklopljeni su Ugovori: za projektantski nadzor sa Kantonalnim zavodom za zaštitu kulturno-historijskog i prirodnog naslijeđa Sarajevo te za stručni nadzor sa „URBING“ d.o.o. Sarajevo. Izvođenje radova je po službenoj dužnosti nadziralo i stručno lice ispred Federalnog zavoda za zaštitu spomenika.

Prilikom izvođenja radova na objektu u istražnoj fazi utvrđeno je od strane izvođača i nadzora da fasadna plastika na kompletnom prizemnom dijelu predstavlja sastavni dio fasadnog zida te da je veoma detaljno obrađena sa finom izvedbom. U skladu sa navedenim 30.10.2020. godine usaglašeno je sa projektantskim nadzorom, stručnim nadzorom, kao i nadzornim licem ispred Federalnog zavoda za zaštitu spomenika te izvođačem, da lijeva strana prizemlja neće biti identična desnoj, već da treba sačuvati nađenu formu. Radovi na sanaciji fasade navedenog objekta okončani su krajem decembra 2020. godine.


Ugovorena vrijednost radova na objektu sa PDV-om: 93.474,31 KM

Realizovana vrijednost izvedenih radova na objektu sa PDV-om: 93.468,82 KM

Fotografija prije sanacije i restauracije fasade u ulici Štrosmajerova br. 1 u Sarajevu



Fotografija u toku sanacije i restauracije fasade u ulici Štrosmajerova br. 1 u Sarajevu



Fotografija u toku sanacije i restauracije fasade u ulici Štrosmajerova br. 1 u Sarajevu.



Projekat rekonstrukcije, restauracije i kolorističke obnove fasada u Gradu Sarajevu je višegodišnji te samim tim zahtjeva sistematski pristup, kao i obezbjeđenje većih novčanih sredstava u narednim godinama, obzirom da je cilj obnoviti što veći broj objekta graditeljskog naslijeđa, čija će realizacija u konačnici doprinijeti ljepšoj urbanističkoj slici grada.